

俞太史
斷句

古事比

第八
冊

古事比卷之二十四

栢山方中德田伯輯著

邵陽學人王梓琴伯較

禮賢

問治民不對。而循口操衿抑心能喻者。齊桓公于復橐之君也。公曰與民共甘苦。饑寒乎以我為聖人。故不用言而喻禮之千

金教以墻壞不築。墻枉不端。禁食園桃李。以糲飯而能悟者。魏文侯于箕季也。教以置水拔薤。

抱兒當戶而能悟者。漢陽太守龐參于任棠也。教以披頭洗盤抱兒而能悟者。魏罷太守陳異。

于尹方也。教以降階不答。瞪視而出而能悟者。高士廉于朱桃椎也。士廉曰。祭酒其使我以無事治蜀耶。相見但

視傳舍。不言而去。黃州隱士于蘇東坡也。坡曰。豈非身世為傳舍耶。以上偶記。

懸一榻以待。周璆陳仲舉也。別施一榻以待。孔休源蕭晉安也。陳又懸榻以待。徐穉前。

魏文侯踞堂見翟璜。及見段干木。立倦而不敢息也。漢武帝踞廁見衛青。及見汲黯。不冠不見。

也。魏文帝不法服。不見楊阜。北魏武帝袒露與廷臣戲狎。見王昕即正冠歛容。

使人主不冠服不肯見者。竇儀也。使人主思之。至于不及朝服而見者。王曾也。

信陵執轡于侯生。從騎罵之。王商枉駕于樓護。主簿諫之。今人不為從騎主簿者鮮矣。偶記

倒屣相迎者。暴勝之于雋不疑。竇憲于崔駰。皇甫規于王符。蔡邕于王粲。何晏于王弼。劉元章。

于許調。聞來謁。躡履而起者。曹操于邴原。

夜聽實誼論鬼神。而膝前席者。漢文也。夜聽蘇綽陳政道。而膝前席者。周文也。王敦與庾亮譚。

論不覺改席而前

曰元規賢于裴頠遠矣

秦孝公子商鞅周明帝子寇儻亦然偶記

范孟博投版棄官而陳仲舉謝之

執公版請光祿陳蕃蕃不止之投版去郭林宗言蕃復謝

裴解三召不至而李汧公禮之

解為錄事參軍李勉觀察始至及燕三日不至曰自有實僚其走吏也安得同之汧公命駕訪之置在賓席

宋司城子罕之貴子韋也入與共食出與同衣曹公之表先主為左將軍也出則同輿坐則同

席劉玄德之待客也同席而坐同簋而食孫權使子登之接僚屬也同輿而載共帳而寢夏侯

湛與潘岳每行止同輿接茵時謂連璧則友善之相親也

魏翼與馬援共卧

問東方流言及京師得失

關羽張飛與先主同牀先主與二人寢則同林思若兄弟而稱人廣坐侍立終日孫權與魯

肅合榻

含榻對鼓肅有鼎足江東之對

肅宗與李泌為布衣交及即位事無大小皆咨之德宗以張涉為翰林學士事無大小皆咨之

側行襪席擁篲先驅燕昭王于鄒衍却行為導跪而蔽席燕太子于田光虛左以迎執轡俞恭

信陵君子侯贏郊迎至舍楚王于田忌延之于門齊宣王于王斗避堂以舍曹參于蓋公虛館

以候公孫度于管甯

張翰就賀循船同載入京劉惔見張憑船同載入府

北海相孔融深敬鄭玄告高密縣為玄特立一鄉宜曰鄭公鄉可開廣門衢令容高車號為通

德門

渤海范康知名士時為潁陰令以荀氏子時號八龍遂改所居西豪里為高陽里

皇甫規不迎雁門太守而驚接書生王符廉希憲坐不答都元帥劉整而恭禮寒餓太學生

趙簡子思周舍

舍立門三日三夜曰願為講諤之臣操筆讀司君之過而書之楚共王之思莞蘇犯我以義違我以禮然而有得我死之後爵之于朝

劉表有荊州養士愛民從容自保士之歸者以千數安慰賑贍皆得資全故有土幾二十年士變有交廣謙虛下士中國往依者以百數實融無以加尉佗不足喻也故在郡四十年

魏高堂隆守陳留憤民酉牧年七十餘有至行舉為計曹掾明帝嘉之除牧郎中任延十九為會稽都尉首聘嚴子陵為師而敕候吏以見龍丘長文翁治蜀聘楊子雲為師蜀人始知學牛述令外黃禮爰延為廷掾范丹為功曹濮陽潛為主簿韓愈刺潮州聘海隨趙德為士子師潮人始知學晏殊知隨州首禮范仲淹教書東漢岑熙守魏郡招聘隱逸與參政事無為而化晉唐彬刺雍州延致處士皇甫申叔嚴舒龍姜茂時梁子遠等幅巾相見敬待之山濤刺冀州甄拔隱屈旌命三十餘人皆顯名當時

不禮賢

梁惠王之志在驅逐音聲

高子覽曰吾前見王王志在驅逐後復見王王志在音聲客以報王王大駭曰前有獻善馬者後有獻善謳者雖屏

人私心在彼有之

唐昭宗與伶人調品筆黛

許寂久栖四明山昭宗微赴關召對內殿方與伶人調品筆黛事訖方命坐賜茶果問易義寂曰居在淫聲不

在政矣尋請還山

衛獻公戒孫文子甯惠子食日盱不召而射鴻于圃

桑維翰事急求見而帝方

調鷹

寵禮

明皇之于李白

微就金馬降輦步迎如見綺皓以上寶牀賜食御手調羹以賜之沉香亭畔木芍藥繁開持金花箋宣進清平調妃子持玻璃七寶杯酌涼州葡萄酒入嘗撰

詔誥敕官嬪執牙筆呵之又嘗賦宮體詩下筆醉甚上令宮人張朱絲欄之

神宗之于王珪

王岐公在翰林時中秋有月上命小殿賜酒令宮嬪求詩各取頭上珠花與學

士潤筆宴罷報金運燭扶掖歸院徽宗之于米芾聞米元章字學于瑤珠殿張翥設瑪瑙硯李廷珪真宗之于

丁謂晉公鎮金陵真宗出周昉卧雲圖曰劉高宗之于吳益聞益遊冷泉野服濯足以小詩名

冷泉中揭盡一幅乃圖吳野服濯足且製一詩其上因以賜之寵遇可謂希有他如張華進博物志賜于閔青鐵硯遼西麟角

筆南越側理紙曾覲進壺中天詞賜水精盞金束帶紫蕃羅柳公權以隔風紗作龍城記八朝

名品錄賜剪刀麵月兒羹張斐裳以異林花共色別樹烏同聲獲蛟龍錦武平一以飛埃結紅

霧遊蓋飄青雲獨插御花姚鉉以花枝冷澌昭陽雨釣線斜牽太液風被寵張蟾以牆頭細雨

垂纖草水面回風聚落花見知玉柄塵尾親授張譏辟暑名屨宣賜李訓杜黃裳眷禮優崇例

外錫九龍之燭張曲江風生論辯光華升七寶之牀裴晉公在中書得頒換骨之膠白香山居

禁近曾賜防風之粥俱用詞華承人主優異亦儒者之極榮也談舊

金蓮炬送歸院王珪也蘇軾也然太后與軾夜談而妃嬪夜索珪詩幾于親矣又令狐綯是迴

錢僖史浩亦被此寵禮又賜雙燭送歸舍人院鄭獬也夜召于亭燭窮宮人以蠟液濡紙學士

柳公權也太宗夜幸玉堂宮嬪自窗格引燭入照格上有火然處學士蘇易簡也

劍履上殿漢蕭何晉汝南王亮也乘輿上殿蕭望之子南郡守育及鍾繇華歆也房玄齡亦許

肩輿上殿唐賜李綱步輿乘至閣下晉賜山濤小輦乘至東宮明皇以步輦召學士姚元崇

若兩元魏明帝以御輿乘寇儁

晉元帝引王導同坐辭曰太陽俯同萬物唐高祖引劉文静同坐辭曰太陽俯同萬物

唐憲宗以內庫二千緡為魏徵孫稠贖徵故策。李師道請白居易言事關激勸合出朝廷宋真宗出內庫錢贖呂端

第賜其家未聞錄用其子孫。宣亦房杜之傳與。事偶

李德裕平劉稹拜太尉而辭武宗曰恨無官酬公。姚崇在外明皇詔徙居近四方館崇以華

不敢居帝曰恨不處禁中此何避。代宗召李泌至舍蓬萊殿書閣。

漢王褒為諫大夫後太子體不安詔使褒誦讀奇文。虞侍太子魏王褒與庾信齊名帝每遊宴

命褒賦詩談論恒在左右名同才同寵遇亦同。

漢疏廣為太傅以移疾告歸公卿祖道東都門皇太子賜黃金五十斤梁陸置為中庶子以母

老求去公卿祖道征魯亭皇太子亦賜黃金五十斤。

漢鄭弘為太傅第五倫為司空弘曲自卑。倫為弘舉主班次在下帝聽置雲母屏風分隔其間。吳紀騰

為中書令父亮為尚書令詔以雲母屏風隔其座。宋孝宗賜李如圭宴。父設珠簾隔之。魏

靜帝人曰登雲龍門崔瞻。通彥與父懷俱侍宴為詩。詔問瞻何如父邢邵曰懷詩壯麗瞻作清新

贈父楊玄感與父素俱為柱國朝會則齊列文帝命玄感降等。謝曰不意寵臣之甚許以公庭展私殿

太守楊宣画宋繼。熾煌人像于閣上出入視之作頌。陸德明唐太宗令閻立本寫其形褚亮為

讚。唐李嗣真后使閻立靜圖之楊誌誠為讚殷仲容書。事偶

范蠡浮五湖去越王以良金瀉范蠡狀而朝禮之。柳詒。辨音煬帝與同榻共卧猶恨不能夜召

刻木偶象坐置子座與相酬酢。前

唐太宗剪鬚為李勣和藥宋仁宗于呂夷簡亦然前

光武解襜褕以衣來歙解右驂以贈賈復解佩授以帶李忠陸遜擊走曹休孫權以御蓋覆之

出入殿門又授周泰以御蓋江表傳作賜又飲宴船樓上值雷雨令以蓋覆劉基清河王暉

暴雨令持蓋覆裴燦燦後以無備為賊耿弇害漢高祖解衣衣韓信魏太祖解裘覆高柔柔擁膝抱文書而腹太祖微行

見漢肅宗持被覆馮豹豹行于拜尚書郎奏事伏省閣或從皆至明德宗以袍覆韋綬德宗幸翰林院學士

韋綬方寢時適夫寒以從韋綬方寢時適夫寒以從宋太祖解貂裘賜王全斌齊高祖為崔暹授纓賜之良馬騎之以從

驚走高祖親為驚走高祖親為齊世宗為崔暹回馬世宗欲假還威勢出之東山前驅

周文帝射堂新成于惠竊歎親老即日徙堂于惠宅

魏徵腹疾太宗將營小殿遂輟其材為造正堂五日而就偶事

漢張敖娶皇后弟許嘉女成帝為充乘輿服飾長安號天子娶婦皇后嫁女蕭至忠以女妻

韋后從皇從禮子帝主蕭后主崔時謂天子嫁女皇后娶婦仁宗謂于光獻曰朕為十三宗

天子為臣下作碑者唐太宗為魏徵高宗為李勣玄宗為張說德宗為段秀實宋太宗為趙普

仁宗為李用和神宗為韓琦字獻甥也使相嫁娶宮中謂天子娶婦皇后嫁女偶事

賀知章歸明皇餞之以詩白居易死宣宗吊之以詩

唐太宗御詩敕褚遂良即虞世南靈座焚之文宗御札敕中使及裴晉公明而度費

呼而不名亦禮之至隆者。孫權于羣臣多稱字。唯呼張昭曰張公。張紘曰東部。魏文于薛

夏雅論書傳。呼之不名。而謂之薛居。魏文成重高允。呼為令公而不名。隋高穎。獨孤信嘗

文帝每呼為獨孤而不名。唐高祖待裴寂厚。稱為裴監而不名。優禮李綱。每手敕未嘗稱名。

引竇抗入卧内。呼為兄而不名。唐憲宗尊任李吉甫官而不名。以杜佑年高重德。常呼司徒

而不名。又在禁中。常以官呼裴洎而不名。宋真宗于呂端肅然拱揖不以名呼。宋辛次膺

同樞密。孝宗呼其官而不名。又對近臣言張浚必曰魏公。未嘗片其名。若武后于狄仁傑。嘗

謂之國老。而不明誠重之也。唐昭宗延見崔胤。或不名以字呼之。則德之也。劉太后于曹

利用。稱曰侍中而不名。度宗于賈似道。稱曰師臣而不名。則憚之也。

進見對語之久。百里奚。秦穆公。三日。馮于斂。梁惠王。一夜。安期生。秦始皇。請見。田蚡。每奏事坐

馬援。光武每接議。數被光武引見。第五倫。光武見即異之。張天錫。為孝武所器。每入劉湛

宋文帝時。每入雲。賀琛。進見梁武。語輒移晷。省中。許詢。嘗詣關文。不覺造。鄭。韋渠牟。每奏事輒

龍門。不夕不出。又光武于李通。相見共語。唐高祖于裴寂。留守太原。每延之。唐太宗于宰相。每延英對宰相

唐宣宗于蔣伸。每見必咨天下得失。三起三留。漢王拜韓信大將。自以為得信。晚漢主父偃嚴安徐樂上書言事。武帝召見曰。公等皆安在何

相見之晚。桓榮每朝會。敷奏經旨。光武稱善曰。得生幾晚。蓋勳諫靈帝。帝陳師平樂觀。出中藏物

以餌士之非。帝善之曰。恨見君晚。王肅奔魏。陳伐齊之策。魏主不覺促席移晷。自謂相得之晚

大字斷句古事七 卷二上四 寵禮

上海錦章圖書局印行

若李愬令鄭注見王守澄促席恨相見晚石敬瑭出見契丹主執其手恨相見晚則不倫矣史
北齊神武與司馬子如恩舊子如有罪歡以膝承其首親為擇醢後周乙弗朗刺峽州惠積冷
文帝賜二石東生散唐太宗時李思摩中矢為之吮血李勣病為之翦鬚宋仁宗翦鬚賜呂夷
簡以療風眩

衛莊柳之死也獻公當祭不釋祭服而往極之梁馮道根之死也武帝畢祠即幸其宅而臨之

君臣義重不妨吉凶禮并說略考歷代之臨喪者漢光武素服臨祭遵又于李通臨弔送葬又

于杜林親臨喪明帝變服臨桓榮章帝于趙熹車駕臨弔于牟融車駕臨喪和帝于張酺乘輿

縞素臨弔順帝親臨梁商晉武帝素服臨羊祜唐太宗臨魏徵為之臨張公謹鄭公卒上出次

日忌哭上四君臣猶父子也遂哭之周世宗臨王朴以玉鉞卓地哭數四不能自止宋太宗臨李穆乃朕之不幸也又臨薛居

正問不肯于安在真宗臨楊礪冒雨臨其喪礪居委巷車駕不能入帝為步進哲宗臨司馬光呂公著然與臨曾公亮不同

真宗又臨李沆向敏中王旦俱哭之甚慟

用人

黃帝之相風后以夢高宗之得傳說文王之遇臧丈人亦以夢唐明皇之相姚崇宋璟又以夢

夢二龍銜符自紅霧中來上錄姚崇宋璟四字挂之兩大樹上

文王將田史編布卜曰田于渭陽將大得焉史疇為禹占得皋陶則以卜得賢始于禹矣見六韜

拔巖徒而相恐其賊也故夢以先之戴鈞老而師恐其疑也故卜以先之聖人不得已而喻愚

俗也。不知者以為真夢。而娃贏進矣。

趙武靈王夢處女鼓琴吳廣納其女娃贏筮而驪姬進矣。

記

楚昭奚恤之對秦使。以子西太子子敖。

子高公子反。

同為寶。

齊威王之對梁惠王。以檀子盼。

子黔夫種首為寶。

楚王孫圉對趙簡子。不以白珩為寶。而以觀射父左史倚相為寶。

孟獻

子對晉宣子。舉顏回茲無靈。

魏太子對經侯之問。舉徒師沼郝辛芒卯。

孔子之使馬圉語繫馬之野人。以愚應愚也。藝祖之遣殿侍押伴。以愚困智也。

馬適食稼野人怒繫其馬子貢

卑辭而不得馬圉住曰子不耕于東海子不遊西海也吾馬安得不犯子之稼解馬與之南除鉗修貢羞官押伴藝祖擇一不識字者鉗詞肆如雲其人唯唯數曰既無酬復鉗港且嘿矣聖人達人之情故能盡人之用後世以文法束人以資格限人又以兼長望人天下事豈有濟乎

金日磾以父不降見殺。沒入官。輸黃門。養馬。上異而問之。即日拜馬監。遷侍中。卜式不願為郎。

令上林中牧羊。上奇其言。拜候氏令。遷齊王太傅。

唐文皇為天策上將開府。置房杜等十八人為學士。楚王馬希範為天策上將開府。置廖光圖。

徐仲雅等十八人為學士。事類而人達矣。

偶記

世祖二十八將。多仕王莽。太宗十八學士。多陳隋舊臣。劉光世童貫之將也。韓世忠梁師成之

將也。

士或負俗而立功名。跡跡者。在馭之而已。此漢武求賢詔也。進取之士。未必有行偏短者。庸可

廢乎。此魏武求士令也。知用入之道者。二主也。

偶記

唐李聽以穆宗東宮時。不獻駿馬。為穆宗所知。杜棕鎮鳳翔。以不獻白兔。為文宗所知。

姚賁曰。使若下隨務光申屠狄人主豈得其用哉。魏無知曰。今有尾生孝己之行。陛下何暇用之乎。

高帝拜韓信為大將。一軍皆驚。先主拔魏延為漢中督。一軍皆驚。高崇文之拜大將亦然。人人自謂當及而不及。驚安能免。

仕者高則望宰相。下則希牧守。錮人于聖世不忍為也。此漢袁安之言也。仕者大則望公卿。次

則望侍從。奈何錮之于聖世。此宋韓億之言也。庶幾乎惜才者。安為河南尹。未嘗以職罪蜀人。韓公億執政。有奏擢拾官吏小

事者輒不
澤偶記

周亞夫至洛。喜得劇孟。魏武不喜得荊州。喜得蒯越。異度通周文不喜得河東。喜得柳敏。唐太

宗不喜得遼東。喜得薛仁貴。慕容德不喜得青州。喜得封孚。至宮城李出降蒙遜。不喜克李歆。喜得宋

繇。石勒不喜得幽州。喜得裴憲。荀綽。梁光帝曰。晉氏平吳。喜獲二陸。今我破賊。亦得二周。謂弘

正弘讓也。申徽對周文曰。晉主滅吳。利在二陸。今平梁漢。得一劉璿。璿降達奚武符堅購習鑿

齒。與道安同載。曰。晉氏平吳。利在二陸。今破漢南。獲士僅一人有半耳。隋文帝指姚察曰。我平

陳。惟得此人。宋太祖謂太宗曰。我幸西州。惟得一張齊賢。

宋文帝曰。人仕宦非唯須才。亦須運命。每有好官闕。未嘗不先憶羊玄保。明皇曰。每有好官闕。

即望宰相。論及蘇頲。頲為中書侍郎。仍供政事。食明日加知制誥。有政事食自頲始。頲

孫策得太史慈。放還豫章。卒立奇功。李愬得吳元濟。將李祐。解縛用之。卒禽元濟。

許允為吏部多用鄉里人允曰鄉人臣所知也若不稱職臣甘其罪唐德宗問崔祐甫所用多涉親故對曰選擇不敢不慎苟平生之未識何以諳其才行憲宗謂宰相勿私親故李絳曰崔祐甫言非親非故不諳其才但問其才器與官稱否耳唐太宗曰聞實易首為相未嘗用親故果賢避嫌而棄之亦不為至公也又杜錫為吏部郎不敢用鄉親一人

孟明視喪師于殽秦穆公使復為政荀林父敗績於邲晉景公使復為政善哉使過乎范文正用士多取氣節而略細故故如孫威敏滕達道皆所素重其為帥曰多取謫籍未牽復人曰實有可用之材不幸陷于吏議不因事起之益為廢人矣故所舉多得士

魯莊公用曹沫秦穆公用孟明皆善于使過者宋太祖用趙晉唐太宗用李靖皆善于使貪者龐參即擢于徒中坐微法羌戎為患與準薦之即擢漢景帝捨韓安國于徒中坐法抵罪拜梁內史宣帝徵張敞于

亡命

管仲射桓公中鉤公復用之陸思鐸射莊宗中欬莊宗復用之

文帝雖有鄧通趙譚而所信者賈誼張釋之袁盎也武帝雖有韓嫣李延年而所信者公孫弘卜式倪寬也開元雖有姜皎崔滌而所信者有姚盧蘇宋也

黃次侯肅却督郵之譖而全許丞之名龔少卿遂拒功曹之誅而得王生之力陳孟公遵不顧

尚書之期而司徒馬公優之位躋列侯龐士元不理耒陽之事而相國孔明原之權登上將將堅用王猛而苻世仇騰席寶不悅魏鄭公勸太宗以仁義而封倫不信

丙吉得雲中之報于馭吏龔遂獲長者之譽於議曹。可見酒失未足深過。不則以難近棄李布。以罵坐誅灌夫矣。偶記

張延賞為相。除吏千五百員。當省千餘。道路訛謗。李德裕為相。罷縣吏二十員。舉官去者皆怨。傳瑕尹河南郡。有七百吏。半非舊也。瑕曰前尹司馬芝綱太簡次尹劉靖目太密後崔祐甫作尹李勝毀法收聲瑕立綱裁目所毀以漸補之

相凡除吏八百皆允當。

謝安屬平生數十人于趙悅悅悉用之。王忱為吏部郎。僧彌改選草近半。忱甚以為佳。裴瑁疏名士三十許人于李吉甫。悉薦之主客皆可紀也。

漢高封雍齒而功臣息喙。先主禮許靖而蜀士歸心。皆予之以名。收之以實。

韓信擒李左車。問以下齊之策。宇文邕擒高延宗。問以取鄴之策。

丙吉不罪吐茵之吏。而後知邊鄙狀以對詔。吏醉嘔車上吉曰以醉飽之失去士此人復何所任兵馬者吉召東曹掾科條其人未已召問吉其對見謂邊鄙吏有不郭進不殺詣關之軍校。而

得其死力關掇。軍校詣關訟進上遣令殺之進令掩殺并寇即薦于朝其人踴躍赴關唯酬報之情迫。中故其長觸之而必誠激

之而必竭。彼索過尋仇者。豈非大愚。

孟嘗君客雞鳴狗盜而出秦難。楚子發禮善偷者而却齊師。

百里奚非愚于虞。而智于秦。襄叔處干而干亡。秦而秦霸。

施師默夾袋。知樞密接訪人才手書置夾袋中每有除授必列陳之呂蒙正夾袋冊子。朝廷求賢取之囊中故百官稱職虞允文材館錄。

懷融小方冊目籍人才為三等
一時得人之盛有慶應元祐風梁肅薦士錄
在鄂州作錄其載姓名

溫公曰宰相以道德佐人主苟用例則胥吏矣條例司也萊公用人不以次曰宰相所以進賢退不肖若用例一吏職耳官例簿也文正土百官圖指其次第曰進退近臣不宜全委之宰相

則因以規諷之也

韓維之去呂公著爭之朱熹之去趙汝愚爭之

太宗一榜及第為張齊賢也嘉祐殿試不復黜因張元也

魏兩用樓翟吳起而亡西河潛王專用渾齒而死于東廟無術以御之也文王兩用呂望召公

奭而至楚莊王專用孫叔敖而霸有術以御之也

留侯以為高祖悉用蕭曹故人郭伋對光武曰選補眾職不宜專用南陽人唐太宗嘗語

及關中山東人意有同異張行成曰天子以四海為家今有東西之異示人以隘

韓滉之任故人子滉節制三吳所辟賓佐隨其才器有故人子投之吳越王之使園卒
與安畢席端坐公令監庫門吏卒無敢濫出入者卒陸仁

章樹藝有智而志之及淮南園蘇州使仁章通信入城果得報而還夥以諸孫
畜之按史司馬福潛行水中入城城中饒令與援兵相應敵以為神疑即一事天下無棄才無

廢事矣張循王之聽老卒游後園見老卒卧曰中職之曰會甚事曰如回易類亦粗能之曰汝
需幾何曰五十萬壯之恣其所為乃造巨艦市美女能歌舞者百餘

廣收奇玩募紫衣吏十數輩樂飲月餘忽浮海去逾歲歸珍庫香藥外且得駿馬獲
利幾十倍王咨嗟發賞問能再往乎曰此獻也再往則敗矣願仍退為卒老園中使之從容

展布以盡其能蓋不知其人輕任之與知其人不能專任皆不足以有功

卜相而金甌覆名唐玄宗子崔琳盧從愿也卜相而琉璃瓶貯名唐廢帝子崔居儉盧文紀姚

大宇新句古事此
卷二四
用人
上海錦章圖書局印行

顗也二事俱出二次異哉覆而不克相也。恥而挾以筋也。殆同戲耳。宣宗命相探中外有人望者三兩人姓名撰之致唐

案上焚香探凡以命草麻偶記

晏子前在東阿。屬託不行。而君罪之。後反是。而君賞之。西門豹為君治鄴。而奪之。願為左右治

鄴。而君拜之。故曰官無中人。不如歸田。偶記

秦皇未見韓非。思并世而不可得。見則殺之。漢武未見相如。思并世而不可得。見則擯之。終文圖令

貴其卑賤其目。皆曰恨不得與此人同時偶記

漢文拊髀思頗牧。漢唐曰雖有頗牧不能用也晉世祖思諸葛亮。吳建曰陛下知鄧艾之寃而不能直雖得亮得無如焉唐之言乎唐憲宗

恨無蕭曹。韋處厚曰陛下有一裴度不能用乃當蹟而數恨無蕭曹此漢唐所以有頗牧不能用之言

高澄見王偉為侯景檄曰。才如此。何不早使知也。武嬰見賂賓王為敬業檄曰。人有才如此。而

使之流落不偶乎。然正使早有薦達者。亦未必用。孔熙先望風吐歎。文帝奇其才。語何尚之曰。

使熙先年將三十。作散騎郎。那不作賊。偶記

遼之興以韓延徽。夏之興以張元昊。吳延徽嘗歸唐矣。以王緘之隙復奔遼。元昊嘗刻詩自見

矣。以韓范二帥不能用。遂奔夏元為鸛鷗詩曰。好着金籠收拾取。莫教飛去別人家。宜以告當

事者。偶記使用人不遺。因能授職。則黃巢必不販私鹽。張榮必不為阡能草檄。樊若水必不量江

面。黃師宓必不為儂氏謀。徐伯祥必不引交人以入寇。漢之中行說翁侯。趙信必不為匈奴用也。

唐王僊芝以進士不第。竟亂而亡。唐宋張元以殿試黜落。竟叛而禍宋。偶記

優孟似叔敖虎賁似中郎宣武似越石以貌相士者悖哉曾參殺人而曾母投杼毛遂墮井而

平原痛哭秋胡調妻而翟公拒婚以名求人者達矣

記偶

董允卒而黃皓用劉禪延熙八年也李絳出而承瓘入唐憲宗元和九年也

記偶

漢登丞相而匈奴讖魏用三公而孫權笑房琯之稱劉秩關播之用李元平至今以為笑

漢元寬弘盡下然有一望之卒使自殺而委用恭顯唐文恭儉儒雅任一宋申錫卒為閣宦所誣而委用訓注

漢元帝嘗任蕭望之周堪矣一制于弘恭石顯則不得行其志宋孝宗嘗任陳俊卿劉珙矣一聞于陳源甘昇則不得盡其才李林甫牛僧客與高力士相為犄角而立宗之朝政不經實似道丁大全與董宋臣相為表裏而理宗之國勢不振奇

魚朝恩不能捉唐而捉唐者竇文場霍僊鳴也李憲不能危宋而危宋者童貫也立宗神宗偶

誤而德宗徽宗嗜毒而甘焉禍不旋踵宜耶

前

漢武帝時趙綰王臧以儒敗唐德宗時張涉薛邕以文學敗

穰苴齊景之所用也而齊景不殛于威公孫吳闔閭之所材也而闔閭反死于攜李

信任之專如神武信待杜弼或造次不及書教直付空紙即令宣讀周文委任蘇綽或出遊嘗

預署空紙授綽有處分隨事施行及還啟知而已

一代宗臣君委國而聽之必不使邪人參其間不然必為所勝唐若褚遂良長孫無忌之遭李

義府。許敬宗。張九齡之遭。李林甫。裴度相。憲宗立。淮蔡青鄆之功。皇甫鏘一共政。則去不旋踵。追穆敬文三宗。而元稹李逢吉宗閔更擢之。不得安厥位。宋若趙普為盧多遜所勝。寇萊公為丁謂所勝。杜祁公韓范為陳執中賈昌朝所勝。富韓公為王介甫所勝。范忠宣為章惇所勝。趙忠簡為秦檜所勝。大抵皆然也。容齋

人為中國用者。由余入秦穆公以霸。金日磾仕漢。脫武帝五柞之厄。唐執失思力阿史那社爾。李臨淮高僊芝。渾瑊李懷光朱邪克用。皆立大功名。然在所以御之。否則郭藥師矣。出為敵國用者。賈季在狄。六卿以為難。日至桓溫不能留。王猛為苻堅用。唐莊宗不能留。韓延徽為阿保機用。張元吳昊為曩霄用。問奇

富弼謂兇險之徒。不近舉業。宜作遺逸官之。蘇軾謂奸猾之黨。不能科名。當比任子用之。鄭覃病進士。李德裕薄進士。不獨金衛王也。

古事比卷之二十四終